



Na osnovu Uputstva o postupku i kriterijima za odobravanje i dodjelu sredstava poticaja namijenjenih subvencioniranju troškova organizacije i izgradnje poslovnih zona na području Zeničko-dobojskog kantona, na koje je Vlada Zeničko-dobojskog kantona dala saglasnost Zaključkom, broj: 02-14-1099/17 od 27.07.2017. godine, Ministarstvo za privredu raspisuje:

JAVNI POZIV
za prikupljanje zahtjeva za odobravanje i dodjelu finansijskih sredstava namijenjenih subvencioniranju troškova organizacije i izgradnje poslovnih zona na području Zeničko-dobojskog kantona

1. Pozivaju se općine Zeničko-dobojskog kantona, koje realiziraju projekte pripreme i izgradnje poslovnih zona, da podnesu Zahtjeve za odobravanje i dodjelu nepovratnih finansijskih sredstava osiguranih za subvencioniranje troškova izrade opremanja i izgradnje poslovnih zona.

Poslovne zone, u duhu ovog poticaja, su na jedinstven način upravljane uređene/neuređene zemljišne površine, namijenjene za realizaciju poduzetničkih aktivnosti, odnosno izgradnju objekata.

2. Pravo na korištenje poticaja imaju općine iz Zeničko-dobojskog kantona, koje uspostavljaju ili su već uspostavile jednu ili više zona čije zemljište je ili će biti u isključivom vlasništvu općine.

3. Realizacija poticaja:

Na osnovu prethodnog utvrđeno je da će se poticati dio IV faze razvoja poslovnih zona:

IV FAZA – Opremanje i gradnja objekata zone, kao što su slijedeći:

- Ograde,
- Osvjetljenje,
- Sistem nadzora,
- Informativni panoi i
- Asvaltiranje saobraćajnica.

Ovim poticajem NIJE obuhvaćena izgradnja infrastrukturnih elemenata zone, kao što je izgradnja:

- magistralne odvodnje,
- sistema grijanja,
- magistralnih telekomunikacijskih vodova,
- magistralnih saobraćajnica,
- magistralnih instalacija električne energije,
- instalacija za vodu.

Maksimalni iznos poticaja za dio IV faze je 30.000,00 KM.

Poticaj će biti realiziran nakon što općina dostavi uredan Zahtjev, te po donošenju Odluke Vlade Kantona o dodjeli istog.

Ispлата sredstava će biti realizirana na slijedeći način:

Korak 1: 50% iznosa poticaja, po potpisivanju Ugovora o izgradnji objekta,

Uredan zahtjev sadrži original ili ovjerenu kopiju:

- Potpisanog Ugovora o izgradnji objekta,

Iznos poticaja za sve ugovorene poslove ne može biti veći od 50% ukupnog poticaja.

Korak 2: 50% iznosa poticaja, po realizaciji Ugovora o izgradnji objekta,

Uredan zahtjev sadrži original ili ovjerenu kopiju:

- Upotrebna dozvola za izgrađeni objekat sa komisijskim izvještajem.

U slučaju da općina realizira više od jedne Zone, obavezna je ispuniti iste uslove i kriterije kao kod realizacije za poticaj prve Zone.

4. Po uredno prispjelom Zahtjevu, Komisija će Izvještaj, koji će biti objavljen na web stranici Vlade, dostaviti Ministarstvu za privredu.

5. Na osnovu Izvještaja Komisije, Ministarstvo za privredu će predložiti Vladi Kantona donošenje Odluke o odobravanju i dodjeli sredstava poticaja namijenjenih subvencioniranju troškova organizacije i izgradnje poslovne zone.

Na osnovu donesene Odluke o odobravanju subvencioniranja troškova organizacije i izgradnje poslovne zone, Ministarstvo za privredu će Ministarstvu finansija podnijeti Nalog za isplatu, odnosno refundaciju odobrenih sredstava poticaja.

6. Zahtjeve za odobravanje subvencioniranja troškova projektovanja i izgradnje poslovne zone, općine trebaju dostaviti na adresu:

ZENIČKO-DOBOJSKI KANTON
Ministarstvo za privredu
KOMISIJA ZA OCJENU ZAHTJEVA ZA ODOBRAVANJE I DODJELU POTICAJA
KOD ORGANIZACIJE POSLOVNIH ZONA
Kučukovići, br. 2, Zenica

7. Javni poziv ostaje otvoren **60 dana** od dana objavljivanja u "Našoj riječi", odnosno u razmatranje će se uzeti samo zahtjevi koji budu zaprimljeni na Protokolu Kantona najkasnije do 09.10.2017. godine do 16 sati.

Sve dodatne informacije mogu se dobiti na telefone Ministarstva za privredu: 032/460-720 i 032/460-721 ili telefax: 032/460-722 ili E-mail: min.privreda@zdk.ba, te na web stranici: www.zdk.ba.